

JAHRESRÜCKBLICK 2012

Jänner

Im Winter is Mopedpause, möcht ma manen,
doch kenn i do so an g'wissn Klanen,
der gibt sich bei der Költn ka Blöße,
schwingt sich aufs Moped mit 197 cm Größe!
Um die Wärme seiner Handsch zu erkunden,
ziagt er am 4 .Jänner schon seine Runden!
Mick haßt er, doch musst er Mick(ey) sich nennen,
wal im Forum tua ma an onderen Mick schon kennen!
Der Jänner, er wor amfoch eisig und nur kolt,
fürn Saisonstart hama am Ofen die Tog gezöhlt holt!
G'frühstückt und gekegelt is wordn wia olle Joahr,
bis es endlich wärmer wor!

Februar

Wie immer kribbelt's unterm Hintern schon fest,
aufs Moped woll ma! Moch ma an Test,
meld ma sie on, da Michi1150 mocht's woahr
und mocht sei erste Erkundungstour in dem Joahr!
Gfoahrn wordn is im Feber sunst nimmer oft,
Mia homa olle aufn März holt ghofft!
Die Bike in Linz losst a immer hoffen,
anige Freebiker hom sich durt getroffn!
Leberkässemml, Mopeds, Probesitzn-

Man kommt jo förmlich dort ins Schwitzn!

März

Anfang März is da Gernot sei erste Runde gfoahrn,
bevor die Költn wieder ärger is gwordn!
Long hot sie net gedauert, dos g'freit olle sehr,
beim Taferlholn gab's ka Holtn mehr.
Slowenien/Ungarn mit Manitu,
die Rita sogt nur ans dazu:
auf Bucklpistn über Stock und Stein
is schön, a Weibl und net a Mandl zu sein!

April

Wal ma gsund kommen wolln durch jede Gossn,
hom vüle wieder ihre Mopeds weihen lossn.
Die Stammtischeröffnung- mit ana Runde genossn,
zum Schluss hots leider ziemlich gegossn!
Erste Hilfe-großgeschrieben,
Teilnehmer san a net ausgeblieben,
30 Stück warn's an der Zahl,
die sich versammelten im Saal!
Von Manfred, Ludwig und Gernot organisiert,
damit ma lernen wia gholfn wird!
A Fahrsicherheitstraining in Ludmannsdorf kam noch dann,
über die Pack warn meine Finger schen klamm!
Gwärmt hob i mi beim Kaiserwald,
dort kam der Gernot hin alsbald,

so hob i mir erspart das Navi,
wal dorthin hätt i nia gfundn, glab i!
Kreisfoahrn, Bremsn, Trial, Weichn,
zwischendurch donn gach amol schleichn,
onstrenge aber lustig wor,
i hoff, das gibt's a nächstes Joahr!

Mai

Die 1. Forumsausfahrt, der Wolferl eröffnet den Reigen,
zerst Nebel, das Wetter wor anfangs bescheiden!
Doch hot nix gedauert und es is sonnig gwordn,
des is so, wenn Freebiker Moppale foahrn.
Als Burgenlandkenner is der Wolferl bekannt,
so führte er durch dieses schöne Land!
Doch damit wor jo noch net gnuag,
erklommen hom sie wieder a Burg.
Des Fischessn mitm Manitu im Mai,
is auch a jedes Joahr dabei!
Kasawaki hot des organisiert,
da Manitu die Truppn gführt!
Bikerwallfahrten gab's a jede Menge
und bei jeder herrschte a festes Gedränge
von Bikern, de gern Bedürftige unterstützn
und de Gelegenheit dafür nützn!
Am Ärgstn wor's wohl am 12.Mai,
do wor i nämlich als Sozia dabei
bei an gewissen Bernhard Riemer-

i sog eich ans: des is a Schlimmer!
Zerst hot er mi übern Brunnen gholtn,
donn hot er'n Gong für an Wheely gscholtn,
aber ans muss i lobend erwähnen auf jeden Foll:
vergessen hot er mi net a anziges Mol!

Juni

Tagestouren gab es viel,
olle mit an ondern Ziel!
Bei Gernot's erster flotten Runde,
machte Folgendes die Kunde:
DB-Killer warn plötzlich nimmer da,
der Geri verirrte sich bei der Erotic-Bar,
die Polizei war auch an Ort und Stell'-
doch lustig war's und ziemlich schnell!
Im Juni ist es auch gewesen,
als Mofa ritt den Hexenbesen!
Doch wie wir leider alle wissn,
hot er den Mofa obagschmissn!
Er lag mit Knöchelbruch und Gips daheim,
gepflegt von seinem Andylein!
Kärnten war auch wieder Ziel
der 2.Ausfahrt, es kamen viel
zu fahren zur Kirche nach Dolina
zum Glück gab's dort ein Wäldchen a!
Und so ging's weiter mit leerer Blase,
diszipliniert in äußerst hohem Maße,

an den Klopeinensee zum Essen,
das Eis in Bleiburg a net zu vergessen.
Wer wollte fuhr dann auch noch zum Schluss
retour mit mir zu der Soboth Fuß.

Juli

Im Juli is was angebotn wordn,
und zwar für mehr Sicherheit beim Foahrn:
der 1. Freebiker Übungstog
zu dem i net mehr sogn mog
als dass die Hitz' schwer zu ertrogn wor-
i hoff, es gibt wieder an nächstes Joahr!
Schulschluss is, das Moped wartet
und wird am 7.Juli gstartet!
A Horde Männer und 2 Frauen,
de noch Duino foahrn sich trauen.
Und wia ma gfoahrn san durchs Rosentol,
is zwegn kommen da GeryC auf amol.
Durchs Kanaltol und a Stückale Autobahn sama gfoahrn-
i sog eich, de Schronkn durt san a nimmer des, wos sie amol worn.
7 von uns, de gingen wandern,
schwimmen im Meer bevorzugten die 2 andern!
Da Kirsi ging in Flip -Flops, des wor net guat,
wal ma do a jedes Steindle durchgspürn tuat!
Beim Zruckfoahrn homan Predil noch erklommen,
letztendlich san olle wieder guat hamkommen.

Die 3. Forumsausfahrt führte nach Rittschein,
wo Brettljausn und Backhendl mussten sein!
Da anzig Pechvogl, des wor da Mick,
denn immer, wenn er lenkt sei Moped mit Geschick
über die Berg uma zu de Kärntnerleit,
is da Regen sicher a nimmer weit!
Und noch amol wor Kärntn dron,
da Alex und da Tomi hom
uns gführt über die Turracher Höh'
aufe zum schönen Falkertsee!
Die "Routes des Grandes Alpes" hot da Ludwig gmocht
mit Gitti und vül schene Fotos mitgebracht!
Und wos i do im Forum a so super find:
Videos, wo mir oft s' Wosser im Mund zommrinnt,
von Foahrtn von so vüle Leit-
des Onschaun is a woahre Freid!
Der Spitzenreiter ist bekannt:
Vulkanus wird er hier genannt!
Konkurrenz kriagt er jetzt immer wieder
von an tirolerischn Tiefenflieger!
Da Wolfgang is a rasante Wonzn
und wia ma siegt, konn er a tonzn!

August

Großglockner, Faakersee, Mangart mit Ziegen,
die dem Werni am Stroßnrond zu Füßen liegen!
So fuhr ma im August holt umatum,

bevor der Sommer is gach um!
Beim Freebikertreffen worn Anige da,
i kann net viel sogn, i war auf Korsika!
Wettbewerbe, Ausfahrt und irrsinnig heiß!
Geben hot's dort a seltsame Speis':
Fleisch aus da Kistn, aber auch Brettljausn,
so gabs für jeden das Passende zum Schmausn!
Und noch amol san mir die Finger obgfrorn,
über die Pack bin i zur 4.Forumsausfoahrt gfoahrn!
In Kalsdorf bin i nix aufgetaut,
da Mexx is glei Richtung Gralla obghaut!
Ans waß i aber noch gonz genau:
mit an Sonnenplatzl und haßem Kakao
hom enteist mi s'Teufelinchen und GerChri-
Donkschen sog i, des vergess i eich nie!
Von Österreich noch Slowenien und zruck sama ghupft,
da Fährmann hot uns über die Mur drübergeschupft!
Idyllisch in einem Fischlokal
nahmen wir unser Mittagsmahl!
Pommes und Salat warn etwas rar-
man könnt' fast sagen: gar net da-
so nahmen wir halt nur Gemüse
und als Nachspeis' dann das Süße!
Mit Uschi auf Erkundungstour gehn,
mit Siegfried die Kamele ansehen,
beim Kamelwirt in Straden bei einer Jause,
von dort ging's dann individuell nach Hause!

Noch was homa gmocht: nämlich Daumen druckn,
damit da Börny net z'long muass umahuckn
im Spitol bei de Schwestern und Doktoren!
Der soll liaba bold wieder Moped foahrn!
Ende August hot vom Glockner da Schnee obaglocht!
Viel zu früh, hom Anige sich gedocht,
de eigentlich noch vorghobt hom aufi zu foahrn-
doch über Nocht is auf amol herbstlich wordn!

September

Doch hot nix gedauert, wors Wetter wieder schena,
Pöllau/Teichalm wor ongsogt mit da Michaela!
A Tschippel Leit, die Sunn hot glocht,
wenn Engalan reisen- wos des ausmocht!
Anige san gfoahrn am Faakersee,
die Harleywochn, kennts es eh:
vül Motorradl, Maskn und nockte Haut,
net nur die Männer hom do gschaut!
Die Uschi homs durt videosiert,
wia sie mit Helm und Fell so paradiert!
Mit Siegi ging's nach Oberkrain,
Kaffetrinken mit Sepp in Ungarn war fein!
So raste die Zeit und bald alsdann
stand die 5.Forumsausfahrt an!
Ab Gralla Richtung Pack gfoahrn wird
bis hin zum Gasthaus Tirolerwirt!
Dorthin sama a poar auf 4 Radl gfoahrn,

zum Wiedersehn und wal ma hungrig woarn!
Schwer woar zuaschaun, wia sie wieder aufesitzn
und mia in unsere Blechkistn hamwärts schwitzn!

Oktober

Im Oktober war's dann wieder soweit,
wir warn fürn Saisonabschluss bereit!
Nach Gralla bin i mitm Gwandl gezischt,
diesmol hots'n Varamani dawischt!
Denn eh er sich's versah,
hatt' er a neue Sozia!
Die Gitti mit da eigenen Reibn,
do wird da Ludwig bold hintn bleibn!
A gmiatliche Foahrt durchs Steirerlond,
zum Bulldogwirt, is eh bekannt!
Gut gespeist, dann Kuchen gessen,
da Geri woar drauf gonz versessen,
so hot die Gitti dem Obersiaßn
die Kuchndosn entreißn miassn!
Und ans muass i sogn- brauchts net lochn-
da Admin könnt a zweits Standbein sich mochn.
Als Maronibrater is er perfekt,
uns hots ollen verdammt guat gschmeckt!
Dem Mexx sein Geburtstog homa a noch gfeiert
und eam a "Happy Birthday" gleiert.
Die Kerzn hot er schnell ausgeblasn,

damit ma eam in Ruah bold lossn!

Dos Zruckfoahrn im Bus vom Börny woar ka Schodn,

wal da Himml hot sich donn onständig entlodn!

Hagel, Blitz und schworz wors wia nur wos,

Anige san beim Hamfoahrn gwordn schen noss!

Schluss

Und net, dass ma glabt, mia tua ma nur foahrn,

für die Bildung is a immer wos geton wordn!

Übersetzungen gib't's, de sollt's amol hearn,

in Sprochn, de bei uns so gsprochn werdn!

Siefln, Murl, Leckage, ...ans is fix,

do hilft an des gonze Googlen nix!

An Fotowettbewerb homa a wieder gmocht

und anige Bilder hom ausm "Reitwagen" glocht!

Statt an Preis is mehr der Olympische Gedanke richtig-

vül knipsn, einschickn- Dabeisein is wichtig!

Als Danke für die Arbeit kriagt da Admin wos zum Probieren-

a bissale Honig ums Maul derf i eam schon schmieren-

an Nutellacremekuchen, a Eigenkreation,

dass der dir schmeckt, des hoff i schon!

Und a fürn Zweitn im Team hob i wos zum Versuchen,

Ludwig, für di hob i gmocht aus Bier an Kuchen.

I hoff, er is net zu trocken zum Genießen,

sonst tuast holt des Bier dazua obegießen!

I erzähl eich a nix Neigs, wenn i sog,

es läuft net immer rund on an jedem Tog.

Man is grantig, beleidigt oder frustriert-

Kana mog's, wenn eam des passiert!
Doch sollt immer das Schöne und Wertvolle vorn stehn,
net das Schlimme- das Guate sollt ma sehn!
Damit der Ane oder Ondere dron denkt,
kriagts heit von mir an Denkzettel gschenkt!
A klanes Blockale zum Notieren von Sochn,
net den Einkauf, was ihr brauchts für de Wochn!
Schreibt's auf, was eich am Herzn liegt,
i glaub, des Positive überwiegt!
Springts drüber über euern Schattn
und legts net vül zu hoch die Lattn!
Einzigartig is jeder do!
So wie ihr seids-i mog eich so!
Jetzt werd i eich net länger quäl'n
und eich nix mehr vül wos dazähl'n!
I wünsch eich ollen a schene Zeit,
bis unsre Mopeds san wieder bereit
uns gsund und schön zu tragen holt
durch 2013- is eh schon bold!

Moni 2012